

外錄

玄玄

兩浙名賢錄

卷八

外錄凡例

一仙曰玄玄玄其玄也釋曰空空空其空也玄玄則無名空空則無相名相既無何爲有者二氏之微


言舉是矣以此標名庶徵廣大

一食氣母者握玄牝爲宮住性海者結毘盧爲舍生都不有地豈能拘故遼東之雀何天不飛而西土之蓮隨方卽現凡瓢笠之所驅巾瓶之所託顯化茲方者卽同浙產不分流寓止次後先

一道本無名神原不死自翀舉者蛻其形骸導引者
調其呼吸遂妄以鉛汞爲還丹誤認吐納爲真炁
旁門一啟大道遂岐至若符籙之矯誣燒煉之譎
詭採補之淫蕪科儀之猥陋言豈玄文事同兒戲
何足辱彼仙宗抑難穢吾外史削而不錄以挽末
趨間有一二可採者收之方技示非玄門之祖意
也

一諸佛妙理非關文字是以香巖擊竹悟自聲聞侍
者吹毛道存目擊故頓悟者祇自言下薦機而尋
聲者遂向句中作活非惟背祖去道遠矣凡以筆
墨作佛事者一切附之於後明文腴詩雋爲世味
非法味也

天啟四年歲次甲子穀雨日徐象梅識



天姥四... 非... 墨... 慧... 音...

兩浙名賢外錄卷一目次

玄玄

上古

桐君

春秋

控雀仙人

王子喬

劉奉林

漢

鬼谷子

沈羲 沈千霞附

朱仲

茅盈

梅福

徐來勒

張道陵

薊子訓

蔡經

姚俊

三國吳

介象

劉綱

樊夫
人附

翁虞生

負局先生

晉

葛玄

葛洪

許謚

郭先生

魏伯陽

司馬季主

劉根

丹丘子

戴火仙

劉晨阮肇

裴仙姥

姚俊

三國吳

朱孺子

王玄
真附

趙廣信

榭衣仙

榭衣仙

榭衣仙

嚴青

姚紵

杜曷

鮑蓋

王質

黃初平 兄初起附

徐公

郭文

許邁

宋齊梁陳

謝玄卿

杜曇永

陸修靜

陶弘景

孫韜

孫遊岳

袁根柏碩

清溪道士

隋

尹真人

徐則 孔道茂王遠知附

王遠知

杜子恭

唐

司馬承禎

苗龍

徐彎

施肩吾

葉靜能

傅隱遙

徐靈府

馬自然

錢小校

僕僕先生

王可交

羊愔

葉法善

謝自然

葉藏質

左元澤

劉處靜

許碯

閻丘方遠

應夷節

豐去奢

杜光庭

宋玄白

田虛應

上虞三女仙

鄭仙姑

馬大仙

兩浙名賢外錄卷一目次終

兩浙名賢外錄卷之一

東海徐象梅仲和氏譔

當湖陸澄原嗣端氏閱

玄玄

上古凡一人

桐君

桐君不知何許人嘗採藥求道止於桐廬縣東山隈桐樹下其桐枝柯偃蓋陰映數畝遠望如廬舍或有問其姓氏者則指桐以示之因名其人為桐君縣為桐廬江

爲桐江溪爲桐溪嶺爲桐嶺而山亦以桐君名焉或曰黃帝時嘗與巫咸同處方餌有藥錄一卷

春秋

共五人

控霍仙人

仙人名厲仁天台玄虛老君第七子也周時常控霍至武夷山校定仙籍時魏王子騫等禱雨龍潭之上仙人適過其處魏王與張湛等十二人因得謁見仙人見魏王等丰骨異常乃遣何鳳兒往天台取仙籍檢視果載子騫與張湛等名先以飲酒過度故謫居武夷須八百

年後方得脫骨仙化於是賜魏王等胡麻飯九品丹書并授以換骨之訣子騫至始王時尸解顛骨猶存武夷

鬼谷子

鬼谷子姓王名詡西周人受道於老君入雲夢山採藥服之顏如少童居清溪之鬼谷因以爲號嘗游鄞太白山南滄魯水簾洞有祠倚山臨水幽深闐寂獸蹄鳥跡之所不到真仙靈之窟宅也郭景純有詩云清溪千餘仞中有一道士雲生梁棟間風吹窻牖裏借問此何誰云是鬼谷子鬼谷子游戲人間數百年後不知所之有

陰符鬼谷子二書行於世

王子喬

王子喬周靈王太子晉也好吹笙作鳳鳴遊伊洛之間道人浮丘伯接晉上嵩高山三十餘年不返後見栢良謂曰告我家人七月七日待我於緱氏山至期果乘白霍駐山頭可望不可到俯首謝時人數日方去後為右弼真人治台之桐柏山因立祠祀之

沈義

沈千霞附

沈義吳興武康人周赧王時躬耕於野後忽弃耕具而亡家人求之不得子孫相傳以為羽化邑人莫之信也至漢殤帝延平元年凡四百二十二年已乃歸訪舊里呼諸孫而語之曰吾汝之七世祖也在西蜀之西以符藥治病有活人功上帝授我白玉簡為碧落侍郎今歸以告汝倏忽不見邑人聞之駭異遂建道觀塑像以奉之宋崇寧大觀間有內庭女道官鍊師孫千霞夢一道士披綵霞衣言曰我武康人也在碧落中與子有宿緣他日當相遇於彼千霞覺而茫然不知武康為何地及靖康之亂二聖北狩千霞避地南方依直省官石防禦

者家於崇德之韶村始知武康爲具興邑一日石氏設
大醮羽衣畢集時主觀道士姜景良與焉千霞以其夢
告景良曰此吾邑沈羲也千霞感慨流涕亟走羲祠堂
焚香設禮瞻拜塑像起曰真吾夢中所見也遂捐金遍
捨黃冠而去後千霞於富陽太元山授徒數百人年八
十有九忽髭髯叢生越三年羽化去

劉奉林

劉奉林嵩高逸士也避周季之亂隱居天台之俱依山
東北石窟中修煉丹成控雀輕舉雀墜一大翮人因名
其山曰委羽登真隱訣云委羽山天下第二洞天號大
有空明之天青童君之所治也地所產石無大小百碎
皆方湯煮服之可以愈疾

漢 共一十六人

朱仲

朱仲會稽人高后時下書募三寸珠仲乃齋三寸珠詣
闕上書賜五百金魯元公主復私以七百金從仲求珠
仲復獻四寸珠委金闕下而去帝下書會稽徵之物色
之不可得景帝時復來獻三寸珠數十枚至闕卽去不

知所之人。以爲仙靈所化。

魏伯陽

魏伯陽會稽人。高門之子。性好道術。不樂仕進。將弟子三人入山作神丹。知弟子心不盡誠。丹成試之。曰金丹雖成。當先試之。白犬。白犬無患。方可服。若白犬死。不可服也。伯陽卽以丹與犬食之。犬卽死。伯陽曰。作丹未成。無乃未得神明意耶。服之恐復如犬。奈何。弟子曰。先生服之否。伯陽曰。吾背違世路。委家於此。不得仙。吾亦耻歸死。與生同。吾當服之。伯陽服丹。入口卽死。一弟子曰。師非人也。服丹而死。得無意乎。亦服之。入口亦死。二弟子乃相謂曰。作丹本求長生。焉貴速死。不如不服。乃共出山。爲伯陽及死弟子求歛具。伯陽卽起。復將神丹。授死弟子及白犬口中。須臾皆活。遂携之仙去。道逢人入山伐木。作手書與鄉里。寄謝二弟子。二弟子乃始悔恨。伯陽作叅同契三卷。其說似解周易實論作丹之意。末章云。會稽鄙夫。幽谷柯生。委時去害。依託丘山。循遊寨廓。與鬼爲隣。百世而下。遨遊人間。敷陳羽翮。東西南傾。湯遭厄際。水旱隔并。蓋離合寓。已姓名云。

茅盈字叔仲，咸陽人。於臨海鎮東龍顧山駕雀上昇。茅山記云：盈高祖濛字初成，秦時至華山飛昇。先是有童謠曰：神仙得道茅初成，駕龍上昇入太清。時下元洲戲赤城，繼世而往在我盈。帝若學之臘嘉平，盈年十八委家學道。詣南嶽上真西城王君受道，道成命爲太元真人。治大霍赤城玉洞之府。時漢哀帝元壽元年也。

司馬季主

司馬季主，楚人。潛易味玄，賣卜於長安市。後入委羽山。大有宮中師西靈子都子都者，太玄仙女也。受石精藏景化形之道，道成顏如少女，鬚長三尺，黑光可鑒。將化留枕席以代形，竟尸解去。家人葬之蜀山之南。

梅福

梅福字子真，壽春人。仕漢爲南昌尉。見王莽專政，歎曰：生爲我酷形爲我辱，知爲我毒身爲我桎梏。遂弃家求仙，遍遊雁宕南閩諸山。至仙霞山，遇空同仙君，授以內外丹法。謂福曰：汝緣在飛鴻山，遂往結庵修煉。丹成復還壽春，一日紫霧浮空，金童玉女捧詔控鸞而下。福拜

詔辭家乘鸞而去。一云福爲南昌尉，成帝委任王鳳，福上書極諫，弃妻子而去，遊於會稽，變姓名爲吳門甫卒。今城中有吳市門，卽其隱處。

劉根

劉根，永嘉人，好神仙，導養之術。初隱積穀山飛霞洞，後到華山，見一人乘白鹿，從十餘玉女。根稽首乞求道要。神人曰：汝聞有韓衆否？曰：聞之。神人曰：卽我是也。授以秘訣，遂得仙。用術濟人，潁川太守史祈以爲妖，遣吏召根，欲戮之。至府，祈曰：能召鬼卽至，不爾當戮。根曰：甚易。

借筆書符，忽見兵甲縛二囚廳前，祈熟視，乃父母也。卽驚愕流涕，鬼責祈曰：汝何得罪神仙？乃累親如此。太守伏罪求救，方解。根忽不見。尋歸飛霞洞，嘗乘赤霞。至天台，赤城訪紫霞君，時有稚子粥糖，遇一道士，引之入洞，見臺閣森嚴，二人對奕，歸家語其母，其母方妊，亦隨子往視之，至則岩壁合矣。

徐來勒

徐來勒，字元利，修真於括蒼洞中。按本際經云：來勒昔在赤明劫，一百八身爲道士，濟生度死，其後白晝乘火。

上昇藏寶名山記云括蒼洞周回三百里徐真人所治
 真人名來勒得道上昇至東漢為太極法師蒞職洞天
 總司水旱罪福之籍唐天寶七年有慶雲覆洞太史奏
 有真氣見於台宿詔建洞宮榜曰成德隱元塵外記云
 括蒼成德隱元之天蓋第十洞天列仙所居在台之樂
 安卽仙居舊邑也

丹丘子

虞洪餘姚人嘗入瀑布採茗遇一道士引三青羊至此
 山語洪曰吾丹丘子也聞子善具飲今以茗奉給祈子
 他日有甌犧之餘相遺也洪後常與家入山輒獲大茗

張道陵

張道陵字輔漢子房八世孫身長九尺二寸龐眉廣額
 朱頂綠睛隆準方頤目有三角伏犀貫頂垂手過膝龍
 蹲虎步望之儼然漢光武建武十年生於天目山母初
 夢大人自北魁星中降至地以薔薇香授之既覺滿室
 異香經月不散感而有孕及生日黃雲籠室紫氣盈庭
 室中光氣如日月七歲通道德經河洛圖緯之書皆極
 其奧舉賢良方正雖仕而志在玄修入蜀愛溪嶺深秀

遂隱居霍鳴山，與弟子王長煉龍虎大丹丹成。道陵年已六十餘，餌之若三十許人，與王長入北嵩山，遇繡衣使者告曰：中峯石室藏上三皇內文、黃帝九鼎、太清丹。經得而修之，乃昇天也。於是道陵齋戒七日，入石室，足然有聲，掘地取之，果得丹書。精思修煉，能分形散影。每泛舟池中，誦經堂上，隱几對客，杖藜行吟。一時並起，人皆莫測。順帝壬午正月十五夜，道陵在霍鳴山夢覺，惟聞鑾佩珊珊，天樂隱隱，瞪目東瞻，見紫雲中素車一乘，車中一神人，容若冰玉，神光照人，不可正視。車前一人勅道陵曰：子勿驚怖，即太上老君也。道陵禮拜，老君曰：近蜀中有六大鬼神，枉暴生民，深可痛惜。子其爲吾治之，以福生靈，則子功無量，而名錄丹臺矣。乃授以正一盟戒、秘籙、三清衆經、九百三十卷符籙、丹竈秘訣、七十二卷雌雄劍、二口都功印一枚。且曰：與子千日爲期。後會閩苑，道陵乃叩頭拜受。日味秘文，按法遵修。時有八部鬼帥，各領鬼兵，動億萬數，周行人間，暴殺萬民，枉天無數。道陵奉老君誥命，佩盟戒、秘籙，往青城山，置琉璃高座，左供大道元始天尊，右置三十六部真經，立十絕。

靈幡周匝法席鳴鍾叩磬布龍虎神兵衆鬼卽挾兵刃
矢石來害道陵道陵舉手一指化爲一大蓮花拒之鬼
衆復持火千餘炬來道陵舉手一指鬼反自燒鬼衆乃
遙謂道陵曰師自住蛾眉山何爲來侵奪我居處道陵
曰汝等殘害衆生所以來伐汝擯之西方不毛之地奉
老君命也自今速當遠避勿復行病人間如違卽當誅
戮無遺種類鬼王不服次日復會六大魔王率鬼兵百
萬環攻道陵乃以丹筆一畫衆鬼盡死惟六魔王仆地
不能起扣頭求生道陵不復顧復以丹筆一裁此山遂
分爲二六魔王欲度不能始大聲哀求願往西方娑羅
國居止焉道陵乃許之倒筆再畫六魔羣鬼悉起道陵
命王長肩一巨石爲橋度之遂命六鬼王歸於北鄴八
部鬼帥竄於西域鬼衆猶躊躇不去道陵乃口勅神符
一道飛上層霄頃臾風雨雷電刀兵悉至羣鬼滅影而
遁道陵遂與王長還霍鳴山中語弟子趙昇曰彼處有
妖當往除之及至有十二神女笑迎於山因問曰此地
有鹹泉何在神女曰前大湫是毒龍處之道陵遂書一
符化爲金翅鳥向湫上盤旋毒龍驚舍湫而去遂得鹹

泉居民煮之有塩十二井神女各出玉環來獻曰妾等願侍箕帚道陵受其環以手緝之十二環合而爲一謂曰吾投此環井中能得之者應吾夙命也神女競解衣入井爭取玉環道陵遂掩之盟曰令作井神無得復出彼方之民至今不罹神女之害而獲鹹井之利永壽元年正月七日五更長昇見空中老君駕龍輿命道陵乘白雀同往成都演正一盟威之旨說北斗南斗經畢老君復去道陵欲留其神跡乃於雲臺西北半崖間舉身躍入石壁中自崖頂而出其山因成二洞九月九日在巴西赤城渠亭中上帝遣使者持玉冊授道陵正一真人之號諭以行當飛昇真人乃以盟威都功等諸品秘籙斬邪二劍玉冊玉印以授其長子衡且謂長昇曰尚有餘冊二子可分餌之今日當隨吾上昇也亭午羣仙儀從畢至天樂擁導於雲臺峯白日昇天時真人年一百二十三歲也

戴火仙

戴火仙不知其名氏松陽人入大明山修煉道成陽精畢露於頂每夜輒懸之於山若太陽然人共見之因名

之曰火仙

薊子訓

薊子訓不知其何許人。建安中客濟陰宛句已。駕驢車至許公卿以下。候之者坐上恒數百人。皆爲設酒脯。終日不匱。尋卽遁去。去之日惟見白雲騰起。從旦至暮。如是數十處。時有百歲翁說童兒時見子訓賣藥於會稽市。顏色不異於今。後人復於長安東霸城見之。與一老公共摩娑銅人。相謂曰。適見鑄此已近五百歲矣。顧視見人而去。猶駕昔所乘驢車也。見者呼之曰。薊先生。小住竝行。應之。視若遲徐而走。馬不及。

劉晨阮肇

劉晨剡人。漢永平中與阮肇入天台山採藥。路迷不得返。經十三日飢渴。偶望山上有桃樹子實。共取食之。飢止。體克下山。取澗水飲。見一杯流出。中有胡麻飯。焉喜曰。此去人不遠矣。遂度山。出一大溪。溪邊有二女子。色甚美。見二人持杯。便笑曰。劉阮二郎捉杯來耶。劉阮異之。二女欣然如舊識。卽邀還家。南壁東壁各有羅幃絳帳。角垂流蕪。上有珠璣交錯。各有數青衣。便令具饌。有

胡麻飯、山羊脯甚美，食畢行酒，俄有羣女各手持桃子，笑曰：「賀汝婿來，酒酣作樂。」暮因止宿，各就一帳。婉態殊絕，至十日求還，苦留半年，氣候草木常似春時，百鳥啼鳴，懷鄉更切。二女曰：「罪根未滅，使君等至此，遂喚諸仙女踏歌送之，指示還路。」鄉邑零落，驗得七代子孫傳聞。祖翁有入山不歸者，太康八年，失二人所在。

蔡經

蔡經，禹杭人，學道於括蒼山中。仙人王方平忽降之，曰：「汝命當得度世，故來教汝。但汝氣少，肉多，未能冲舉，當作尸解。頃見經如從狗竇中過，方平乃告以要言。言訖乃去。經後忽身發熱如火，三日肉消骨立，乃入室以被自覆，忽然失其所在。舉被視之，但有皮耳、頭足，具存如蛇蛻也。去後十餘年，忽還家，尸解時已老，今更少壯，頭髮復黑。語家人曰：「七月七日，王君當來，乃作酒數百斛以待。」其日方平果著遠遊冠，乘五龍車，前後麾節旌旗，導衛如大將軍侍從。既至，從官皆隱不見，獨見方平。方平乃遣人迎麻姑，少頃麻姑至，經舉家皆見之，是好女子，年可十八許，頂中作髻，餘髮散垂至腰，錦衣繡裳，光

彩耀目，坐定行厨，自進麻姑手，擘麟脯，以玉盃行酒，時經婦新產，麻姑見之，曰：噫！且止，勿前，索少許米來，擲地，皆成丹砂。方平笑曰：麻姑猶作少年戲耶？姑云：接待以來，東海三爲桑田，蓬萊水又淺矣。方平亦曰：聖人皆言海中將復揚塵也。麻姑手似鳥爪，蔡經私念，背痒時得此爪搔之佳。方平卽知，乃鞭經背曰：麻姑神人也。汝謂其爪可搔背痒耶？方平去，麻姑亦辭去。經家所作數百斛酒，皆盡，初不見人飲之也。經父母私問經：王君今在何處？經曰：常在崑崙羅浮括蒼三山，此三山上皆有宮室。王君常平天曹事，一日之中，與天仙往還者數十過也。王君出入常乘一黃麟，所至山海之神，皆來迎迓。後經仙去，仍暫歸省家，如蘓耽云。

裴仙姥

裴仙姥，餘杭人，善採衆花釀酒。王方平過蔡經家，以千錢沽酒五斗，和天酒飲之。姥好飲，貧士久之無所償，輒折券。後有三人至，飲酒，授藥數丸，姥餌之，仙去，因名其所居曰仙姥墩。宋王安石詩云：綠淨堂前湖水綠，歸來正復有荷花。花前若見餘杭姥，爲道仙人憶酒家。

姚俊

姚俊字翁仲錢塘人受業太學明經術災異晚爲交趾太守漢末入層城山學道遇秦人郭幼平教服九精鍊氣輔星在心之術道成治華陽洞天兼北河司命主水官之考藏蛻臨平冢中時聞鼓角聲

三國吳

共八人

介象

介象字玄則會稽人學道得度世禁氣之術能隱形變化人莫能測嘗入山見一美女象知非常人拜求度世

美女曰汝食氣未盡可斷穀三年來象卽斷穀如期而往乃授以還丹之要大帝聞之召至武昌尊敬之從象學蔽形之術還後宮及出門莫有見者又使象作變化試種瓜菜百果皆立生可食大帝與論膾魚何者最美象曰鯔魚爲上大帝曰此出海中安可得象乃作方埒汲水滿之垂綸得鯔魚大帝曰恨無蜀薑作羹象書一符著青竹中使人閉目騎杖至成都買薑薑到厨切鱠過了有種黍山中者苦獼猴食之戒曰吾告介君猴卽去大帝爲介起第宅以御帳給之求去不許忽自言某

月日當病。大帝使左右以一梨賜之，便死。大帝葬之後，人復見象在蓋竹山中，持白桃花一枝，顏色更少。其弟子發棺視之，惟一符耳。

朱孺子

王玄真附

朱孺子，永寧人。幼師道士王玄真，居大若巖下，日服菊花及朮，并餌黃精十餘年。後遇西歸子於山中，因叩頭拜乞度世。西歸子授以要言，遂入石室，存泥丸，嘗於溪畔見二花犬，逐之，入枸杞藜下，邀玄真同往，求所見。遂斲藜下得二枸杞根，類花犬，堅如石，煮之，命孺子候火。凡三晝夜，孺子取其汁飲之，及熟，玄真始取共食。孺子便飛立前峯，舉手謝玄真而去。玄真獨居岩西陶山，後不知所終。

劉綱

樊夫人附

劉綱字伯經，下邳人。初居四明山，後爲上虞令。其妻樊夫人，俱有道術，能檄召鬼神，禁制變化之道，爲理尚清靜，簡易而政令宣行，民受其惠。暇日，輒與夫人較其術。用庭中有兩株桃，夫人咒一株使之自落，箱篋中綱所咒者數，落出籬外，綱唾盤中，卽成鯽魚。夫人唾盤中，成

獺食其魚。綱與夫人入四明山路。值虎。綱禁之。虎伏不起。向綱而號。夫人徑往虎前。虎以面着地。不敢出聲。夫人解帶縛虎。牽歸繫於床脚。下綱每共試。俱不能勝。將昇天。縣廳側先有大皂筴樹。綱升樹數丈。始能飛舉。夫人卽平坐榻上。冉冉如雲之舉。遂同昇天而去。今四明山有樊榭。乃夫人遺跡也。

趙廣信

趙廣信。陽城人。魏末渡江。入剡。小白山。受李法成服。炁法。又受師左車守玄中之道。徹視五藏。如此七八十年。周旋郡國。或賣藥。出入人間。人莫知也。多來都下市井。作九華丹。丹成。遂乘雲駕龍。白日昇天而去。按剡舊經云。東白山與小白山接。乃趙廣信煉丹登仙之所。

翁虞生

翁虞生。會稽人。受仙人介君食日精法。大帝時。隱居狼伍山。兼行雲炁。回形之道。精思積久。形體更有少容。後人見其乘雲上天。

柵衣仙

柵衣仙。龍泉人。不知姓氏。無寒暑。皆綴柵葉爲衣。人遂

以是名之。結庵於鳳山之巔，持守雌抱一之道。童顏黑髮，不御飲食。人或問其年幾，何但答曰：八十歲也。赤鳥中坐庵前槐樹上，俄祥雲四合，仙樂鳴空，遂飛昇去。至今庵址尚存。每月黑之夜，恒有紫氣燭天。或曰：有遺丹瘞其下也。

負局先生

負局先生，不知其所自來。言語似燕趙間人，常負磨鏡局，徇吳市中。輒曰：人有疾苦否？時出紫丸療之，卽愈。百餘年，國有大厲，藥活人萬萬計，不取一錢。後至吳山，絕頂懸崖下藥，與人去時，謂人曰：吾還蓬萊山爲汝曹下神水。崖頭久之，有白色水從石間流出，服之多愈疾。

晉 共一十四人

葛玄

葛玄，字孝先，句容人。從左元放受九丹金液仙經，嘗服餌求長生，能絕穀，連年不飢。嘗遊會稽，有賈人從海中還，過神廟，神使主簿語賈人曰：今欲因寄一書與葛仙公，可爲致之。主簿因以函書擲賈人船頭，如釘着板，板不可得，還達會稽，輒以報仙公。公自往取之，卽得也。語

弟子張恭曰。吾不得治作大藥。今當作尸解去。八月十二日日中時當發。至期衣冠入室而卧。氣色不變。日中忽大風起。發屋折木。聲響如雷。遂失仙公所在。但見衣在。而帶不解。今會稽有仙公釣磯及煉丹井尚在。

嚴青

嚴青會稽人居貧。常於山中作炭。忽遇神人授素書一卷。曰。汝骨應得長生。青言我不識書。當奈何。神人曰。不須讀也。但以潔器盛之。置高處耳。并教服石髓法。受之。無他佳器。惟有飲壺。乃用以盛。所授書。即便見左右。常有數十人侍之。嘗夜行。都巡呵問何人。青亦呵問。都巡怒叱。從兵收之。青亦叱。從神錄之。青徑去。而都巡等人馬不能動。明旦鄉人曰。必嚴公也。報其家。往謝。青乃放去。後斷穀一年。入小霍山仙去。

勾漏令葛稚川洪

葛洪字稚川。丹陽句容人也。仙翁玄之從孫。以儒學知名。性寡欲。不好榮利。閉門掃軌。流覽經籍。尤好神仙導養法。於餘杭山見何幼道。郭文舉。目擊而已。各無所言。咸和初。選為散騎常侍。不就。聞交阯出丹砂。求為勾漏。

令帝以洪資高不許洪曰非欲爲榮以有丹砂耳帝從之洪遂將子姪俱行至廣州刺史鄧嶽留不聽去洪乃止羅浮山煉丹在山積年優游閒養著述不輟著內外篇凡一百一十六篇自號抱朴子因以名書嘗游西湖樂其山水止而煉丹鄉人因其所居以葛名嶺嶺下有丹井至今淵泓澄澈水波不動時嘗見藥爐丹竈尚存年八十餘尸解去墓在葛嶺之西方輿勝覽云天竺山乃葛稚川得道之所

姚紵

姚紵吳興人嘗於五山採樵見二人奕棋觀之稍久二人語曰汝可還家今日爲汝祥矣紵還家因入甕中隱身謂家人云可七日始開未七日家人誤觸甕破紵化爲白鶴向五山飛去因更名五山爲奕山

許謚

許謚字思玄儒雅清素博學有才章簡文帝父垂俗表之顧與時賢多所儔結少仕會稽主簿功曹史王茂弘蔡道明辟從事不赴選補太學博士出爲餘姚令人爲尚書郎郡中正護軍長史雖外混俗務而內修真學審

授教記遵行上道挺分所得乃爲上清真人。少子靜泰
人居會稽禹井山。頗遵承家法傳受經書云。

杜曷

杜曷字叔恭，錢塘人。事後母以孝聞，三辟不就，爲正一
弟子。受神人張鎮南之秘典，陽平治人，靜焚香，輒見人
三五世禍福符章立驗，人尊之若神，嘗爲陸納拜章解
世厄，授藥獲耄齡，而桓溫北伐敗績，悔違其言，所策謝
玄淝水之師，堅來而覆，其早鑿也。預言木妖盧竦犯關，
其死狀及孫泰之禍，亦預言之。禍亂旣生，戒家人治凶
具，尅期尸解。

郭先生

郭先生不知其所始，隱於桐廬縣北二十五里深山石
竇中，每驅虎負箬葉至桐廬市，粥錢以周貧者。歸則與
仙侶奕棋於盤陀石上，人因名其石爲仙棋石。後亦不
知其所終。

鮑蓋

鮑蓋其先東漢鄧人也，其父隱邑之青山，無嗣，日籲天
以請，其母晝寢，夢吞日而孕，凡三載當晉大始三年九

月十五日乃生，祥光燭室，遂名曰圓照。後更名蓋容貌英備，美鬚髯，樂善好施，任俠尚氣節，嘗爲縣吏，俾奉牒入京，留家酣飲，踰月不行。縣方詰責，已而得報章，覈之果上達。一夕忽醉，終於家。後三十年，夢告其子曰：我當再生，其啟我棺。子以告母，次夕其妻夢亦如之，乃遂破塚啟視尸，顏色如生，衣服潤潔，若朝夕常御者。塚四角明燈爛然，衆皆詫異。已而祥雲下迎，乘之上昇。塚間得寶鼎，非金非玉，上有篆文曰東海之寶。永和、中穆帝遣使求之，將納內藏，褚太后曰：此神物也，仍封還故處。

王質

王質，衢之西安人。嘗入山採樵，至石室山，見石室中有數童子圍棋，質倚柯觀之。童子以一物如棗核，令質含，便不覺飢渴。童子云：汝來已久，可還質取斧柯，爛已盡，已質便歸家，已數百年。親舊零落，無復存者。後入山得道，百餘年，往往有人見之，後亦仙去。世人遂更名其山曰爛柯。

黃初平 兄初起附

黃初平，丹谿人。年十五牧羊，遇道士引至金華山石室。

中四十餘年其兄初起尋之不獲後遇一道士善卜起因問之曰金華山中有一牧羊兒初起卽隨去果見初平問羊安在曰在山東往視之但見白石初平叱之石皆起成羊數萬頭初起遂棄妻子學之絕粒服松柏茯苓後亦得仙初平更號赤松子初起更號魯班

徐公

徐公亡其名金華人嘗登長山頂頂有湖其水湛然遇二人奕棋自稱赤松子安期生酌湖水爲酒飲徐公至醉及醒二人不見而宿莽索上家人服喪三年畢矣徐公復入故處後亦得仙人因名其積水爲徐公湖

郭文舉文

郭文字文舉河內軹人也少愛山水尚嘉遯年十三每遊山林彌旬忘返父母終服畢不娶辭家徧遊名山洛陽陷乃步擔入吳興餘杭大辟山中窮谷無人之地倚木於樹苔蓋其上而居焉亦無壁障時猛獸爲暴入屋害人而文獨宿十餘年卒無患害恒着鹿裘葛巾不飲酒食肉區種菽麥採竹葉木實貿梳以自給人或酬下價者亦與之後人識文不復賤酬食有餘穀輒恤窮匱

人。有。致。遺。取。其。粗。者。示。不。逆。而。已。王。導。聞。其。名。遣。人。迎。之。文。不。肯。就。船。車。荷。擔。徒。行。既。至。導。置。之。西。園。園。中。果。木。成。林。又。有。鳥。獸。麋。鹿。因。以。居。文。於。是。朝。士。咸。共。觀。之。文。頽。然。箕。踞。旁。若。無。人。導。嘗。與。衆。賓。共。集。絲。竹。並。奏。試。使。呼。之。文。瞪。眸。不。轉。跨。躡。華。堂。如。行。林。野。於。時。坐。者。咸。有。鈞。深。致。遠。之。言。文。嘗。稱。不。達。來。語。天。機。鏗。宏。莫。有。窺。其。門。者。居。導。園。七。年。未。嘗。出。入。一。旦。忽。求。還。山。導。不。聽。竟。逃。歸。臨。安。結。廬。舍。於。山。中。臨。安。令。萬。寵。迎。至。縣。中。及。蘓。峻。反。破。餘。杭。而。臨。安。獨。全。人。皆。以。爲。知。幾。自。後。不。復。語。但。舉。手。指。麾。以。宣。其。意。病。甚。求。還。山。欲。枕。石。安。尸。不。令。人。殯。葬。寵。不。聽。不。食。二。十。餘。日。亦。不。瘦。寵。問。曰。先。生。復。可。得。幾。日。文。三。舉。手。果。以。十。五。日。終。寵。葬。於。所。居。處。

許叔玄邁

許邁字叔玄一名映丹陽句容人也家世士族而邁少恬靜不慕仕進未弱冠嘗造郭璞璞爲之筮遇泰之上六璞謂曰君元吉自天宜學升遐之道時南海太守鮑靚隱跡潛遁人莫知之邁乃往候之探其至要父母尚存未忍違親謂禹航懸雷山近延陵之茅山是洞庭西

門潛通五嶽，陳安世茅季偉常所游處。於是立精舍於懸雷，而往來茅嶺之洞室，放絕世務，以尋僊館。朔望時節，還家自省而已。父母既終，乃遣婦孫氏還家，遂携其同志徧遊名山。初採藥於桐廬之桓山，餌朮者三年，時欲斷穀，以此山近人，不得專一，四面藩之，好道之徒欲相見者，登樓與語，以此爲樂。永和二年，移入臨安西山，登岩茹芝，眇爾自得，有終焉之志。乃更名玄，字遠遊，與婦書告別，又著詩十二首，論神僊之事。王羲之時居會稽，每造之，未嘗不彌日忘歸，相與爲世外之交。玄遺羲之書云：自山陰南至臨安，多有金堂玉室，仙人芝草，左元放之徒，漢末諸得道者，皆在焉。玄自後莫測所終，好道者皆謂之羽化云。

宋齊梁陳

共九人

謝玄卿

謝玄卿會稽人，好呼吸延年之術，近百歲，精力不衰，嘗採藥五洩溪，偶得一路，前有石門夾道，忽遇神女數人，逍遙林下，乃前拜，相視笑曰：非謝玄卿乎？於是引玄卿登峻嶺，絕磴危壁，豁然平敞，玉堂朱閣，云是東華夫人。

居也玄卿後不知所終平始玉堂未闕云其東華夫人
杜曇永
杜曇永字元老錢唐人仕齊逢革命歎曳裾之維繫因
游名嶽建清虛館於玉笥門人踵至遂大營法樂洞天
復開洞側石臺以待真侶武帝賜號金闕先生蕭子雲
師事之復共錢員外作還丹洞中靈真屢降服丹於太
白峯頂白日飛昇家屬隱爲地仙云

陸修靜

陸修靜字見寂吳興東遷人目有重輪足有雙跂掌有

大字背有斗文篤好文錄旁究象緯好方外遊南詣衡
湘九嶷西至蛾眉宋元嘉末文帝召不往乃友陶淵明
慧遠於廬山泰始三年詔江州刺史王景宗禮聘來朝
勅會於華林延賢之館修靜鹿巾謁帝帝肅然敬之勅
建傳經宗壇因著齋法儀範百餘卷元徽五年正月若
趣裝將行忽然解化勅送冠履還山詔所居爲簡寂觀
初修靜在鄉時嘗沒於德清縣東水潭數月而出後因
名爲仙潭

陶弘景

陶弘景字通明丹陽秣陵人幼有異操年四五歲恒以
荻爲筆畫灰中學書至十歲得葛洪神仙傳讀之晝夜
研尋便有養生之志謂人曰仰青雲覩白日不覺爲遠
矣父爲妾所害弘景終身不娶及長讀書萬卷一物不
知以爲耻劉宋末爲諸王侍讀奉朝請雖在朱門閉影
不交外物惟事披閱朝儀故事多取決焉永明十年脫
朝服掛神武門上表辭祿於是徧歷名山尋訪仙藥至
永嘉安固山中棲止永元初築三層樓弘景處其上弟
子居其中賓客至其下與物遂絕唯一家僮得侍其傍
特愛松風聞其響欣然樂之或獨遊泉石望見者以爲
仙人性圓通謙約出處冥會心如明鏡遇物便了言無
煩舛好著述尚奇異顧惜光景老而彌篤梁武帝舊與
之遊及卽位恩禮逾篤書問不絕冠蓋相望帝嘗問山
中何所有弘景答曰山中何所有英英多白雲只好自
怡悅不堪持贈君給之黃金朱砂等物合爲飛丹色如
霜雪服之體輕太清三年帝手詔招之賜以鹿皮巾屨
徵不起唯画作兩牛一牛散放水草之間一牛着金籠
頭有人執繩以杖驅之帝覽笑曰此人欲作曳尾之龜

寧有可致之理。國家每有吉凶征討大事，無不諮詢。月中常有數信。時號山中宰相。善辟穀導引之法。年逾八十而有壯容。深慕張良之爲人。云古賢莫比。曾夢如來親爲授記。名勝力菩薩。乃詣鄞縣阿育王塔。自誓受五大戒。後又煉丹於象山棲霞觀。投丹井中。泉味甘冽。大同二年卒。時年八十五。顏色不變。屈申如恒。詔贈中散大夫。謚曰貞白先生。

孫韜

孫韜，剡人。棄家入山。師潘四明，參受真法。陶隱居手爲題握中秘訣。門人罕能見。惟傳韜與相闔二人。

孫遊岳

孫遊岳，字頴達，東陽人。喜道家學。嘗步赤松澗，縉雲堂。卜終焉之地。師事簡寂先生於廬嶽。遂授三洞經法。茹芝却粒。專服穀實者凡六十七年。顏采不替。簡寂羽化。卽還舊隱。齊永明二年，詔主興世館。於是餐真味。玄之流。爭來棲托。孔德璋、劉孝標輩皆結廬相近。爲塵外之好。以病乞還故山。詔不允。忽安坐泊然而化。

袁根柏碩

外

袁根相碩皆剡人。因驅羊度赤城山。有石門忽開。見二
美女。年皆及笄。遂延入。與語。後謝歸。女以香囊遺之。根
後羽化。碩年亦九十餘。方外傳之。亦如劉阮故事云。
清溪道士。不詳其名氏。修煉於青田山。之混元峯。丹成。
田產青芝。餌之。冲舉。因名其田曰芝田。山曰芝山。溪曰
芝溪。丹井遺跡尚在。

隋共三人

尹真人

尹真人亡其名。大業中。煉丹。遂昌百丈岩溪西山。丹成。
舉家上昇。今勝因院其故宅也。迨宋龔侍郎原作勝因
院記。頗詳其事。後原守揚州時。有一道人。謁原。題疏。欲
得錢萬貫。原如數與之。道人至和州。創宅。買田。置器具。
交易。標記。悉作龔侍郎名字。後原謫和州。道人來請入
宅。云田宅器具。皆公揚州捨錢所置。言訖。忽不見。原大
駭異。物色之。不可得。或云道人卽尹真人也。報其爲勝
因院作記耳。

徐則 孔道茂附

徐則東海鄉人。幼沉靜寡欲。博學精於議論。聲擅都邑。則歎曰。名者。實之賓。吾其爲賓乎。遂懷棲隱之。搥杖策入縉雲山。不娶妻。常服巾褐。陳太建時。應召來。棲於玉真觀。朞月。又辭入天台山。因絕穀養性。所資惟松朮而已。雖隆冬。沍寒。不服絺絮。太傅徐陵爲之刊山立頌。初在縉雲山。太極真人徐君降之曰。汝年出八十。當爲王者師。然後得道也。及晉王廣鎮揚州。知其名。手書召之。則謂門人曰。吾今年八十一。王來召我。徐君之旨信而有徵。於是遂詣揚州。晉王將請道法。則辭以時日不便。其後夕。命侍者取香火。如平常朝禮之儀。至於五更而死。支體柔弱如生。停留數旬。顏色不變。晉王下書曰。天台真隱東海徐先生。虛確居宗。冲玄成德。齊物處外。檢行安身。草褐補衣。餐松餌朮。棲隱靈嶽。五十餘年。卓矣。仙才飄然。勝氣千尋。萬頃莫測。其涯寡人。欽承道風。久食德素。頻遣使乎。遠此延屈。冀得虔受。上法式。建良緣。至止甫爾。未淹旬日。厭塵羽化。反真靈府。身體柔軟。顏色不變。經方所謂屍解地仙者哉。誠復師禮未申。而心許有在。雖忘怛化。猶愴於懷。喪事所資。隨湏供給。霓裳

羽蓋既且騰雲，空樽餘衣，詎藉墳壟，但杖屨猶存，示同俗法。宜遣使人送還天台，定葬。是時自江都至於天台，在道多見，則徒步云得放還。至其舊居，取經書道法，分遣弟子，仍令淨掃一房。曰：若有客至，宜延之於此。然後跨石梁而去，不知所之。頃臾屍軀至，方知其靈化。時年八十二。晉王聞而益異之，賜贈千數，遣画工圖其狀貌，令柳詵爲之贊。時會稽孔道茂，台州王遠知亦行辟穀，以松朮自給，皆爲煬帝所重。

王遠知

王遠知，台州人，善易，知人死生禍福，作易總十五卷，世秘其本。一日曝其書，忽卧，內雷聲殷殷然，赤電繞室，有一老人自天而下，怒叱遠知曰：所泄者書何在？上帝令吾追取。遠知曰：青丘老人知臣不逮，故傳授焉。老人首肯，頃曰：上帝勅下汝仙品，已及子壽度期。二十四年，遠知拜命，所取書乃易總也。後遠知果如期仙去。

杜子恭

杜子恭，錢唐人，有道術，嘗借人瓜刀，匿索不得，刀主立求之。子恭曰：行當奉還耳。刀主隨子恭至嘉興，忽有魚

躍入舟中破之得刀賢豪多師事之孔靈產去邑必遙拜子恭之室

唐 共二十八人

司馬子微承禎

司馬承禎字子微洛州溫人事潘師正傳辟穀導引術隱居天台桐栢山著天隱子武后時屢召不起睿宗復命其兄承禕就起之既至引入中掖庭問其術對曰爲道日損損之又損以至於無爲夫心目所知見每損之尚不能已况攻異端而增智慮哉帝曰治身則爾治國奈何對曰國猶身也故游心於淡合氣於漠與物自然而無私焉而天下治帝嗟味曰廣成之言也錫寶栞霞紋帔還之天台開元中再被召至新昌大悔今仙桂鄉有司馬悔山卽其地也至都玄宗詔於王屋山置壇室以居善篆隸帝命以三體寫老子刑正文句卒年八十九忽若蟬蛻弟子歛空衣葬之詔贈銀青光祿大夫謚曰貞一先生

苗龍

苗龍不知何許人居會稽失其名能画龍人以苗龍呼

之後棄家學仙。得道一日，畫龍方竟，忽擲筆於地紙上。畫龍成真，負之升天而去。今瑞龍宮東南一峯崛起，上平如砥，相傳爲苗龍上昇處。

徐彎，海鹽人，少有道術，能收捕邪精。錢唐人杜氏女患邪，彎爲作法符召之，見白衣人入門，彎一叱，卽成白龜。後登石崎不返，兄弟徃尋之，見彎在山上倚樹不動，徃視之，如蟬蛻着木，蓋尸解也。

施肩吾

施肩吾，分水人，有詩名。元和中舉進士，退隱洪州西山。學仙，嘗貽徐凝書曰：僕雖忝成名，自知命薄，遂栖心玄門，養性林壑，賴仙聖扶持，雖年迫遲暮，幸免龍鍾。後得遇許真人，授以丹方，竟得仙去。宋陸游修心鑑跋云：高祖太傅公生七年，家貧未就學，忽作詩，有神仙語，觀者驚焉。晚自號朝隱子，嘗退朝見異人行空中，足去地三尺許，邀與俱歸，則古仙人，嵩山栖真施先生肩吾也。因受鍊丹辟穀之術，尸解而去。

葉靜能

葉靜能奉化人。有道術。嘗講經虛白觀。忽南海龍化一髯叟。聽講講畢。訴曰。胡僧咒力甚大。欲喝海竭。以取統天鎮海之寶。惟仙師垂救。語甚哀切。靜能乃書朱墨符。遣門人持往海上。抹之。海水復還。龍獲無恙。初觀在原上。無井。汲飲甚遙。一夕風雨。龍於觀左穿一渠。泉流不絕。遂成大溪。因號靜能曰仙師溪。名曰龍溪。

傅隱遙

傅隱遙永嘉人。吳甘露初。棄家爲道士。以石室山大若岩。乃地仙李方回所治。爲第十二福地。因往結庵以居。辟穀修煉。至唐調露元年。丹成。上昇。游戲人間。蓋四百餘載也。今大若岩左有登仙石。

徐靈府

徐靈府錢唐人。號默希子。居天台雲蓋山。十餘年。俄結廬層石。屬睇松竹。外環池島。名以方瀛。修煉其間。有性修自性。非求得之句。作言志詩。辭武宗之徵。絕粒久之。凝寂而化。著玄鑑五篇。及三洞要略。授弟子左元澤。

馬自然

馬自然名湘。鹽官人。世爲縣小吏。湘獨好經史文學。後

忽棄家徧遊方外。遇一道人，携入石井，令致書於蜀。旋得報而出，稱石井仙。嘗至湖州，飲酒醉，行墮霅溪。徑日而出，衣不沾濕。坐水上，謂人曰：適爲項羽召飲，至醉方返。人從看之，時以雙拳入鼻，出則如故。又指溪水，令逆流。良久，指柳樹，令隨水走。指橋斷而復續。常州太守馬植異待之，時與會飲。湘於席上，以磁器盛土種瓜。頃臾引蔓生花，結實食之，香美異常。又於徧身摸錢，不知多少。擲之，皆銅錢也。擲錢井中，呼之一一飛出，收得者復失之。毘陵鼠極多，湘書符驅逐，鼠遂成羣，出城去。或有疾者，哀求抹治，但以竹杖擊痛處，腹內有患，以竹杖指口吹之，如雷聲，卽愈。跛倚而來者，以杖叩之，應手便伸。展與之財物，則以遺貧者。一日忽然歸家，其兄不在，語嫂曰：吾久游不歸，今欲與兄析宅，吾止欲東園耳。語畢遽死。兄歸具歛，卽葬之。東園時唐大中十年也。明年東川奏劄南梓潼縣有道士馬自然，自日上昇，遂勅杭州發塚視之，止一竹杖。

錢小校

錢小校，錢唐人，遺其名。事令狐纁，爲小校。從袁循持節

入滇經玉局觀觀黃籙醮畢忽一紫衣人杖劍執盃水飲之因絕粒顏色更紅潤如少童循知其遇仙因解役令之入道乾符間人猶見之後不知所終

僕僕先生

僕僕先生不知何許人居台之黃土山嘗餌杏丹乘雲往來刺史李休光以爲妖叱左右縛之龍虎現於其側先生乘之而去天寶初因以仙居名縣

王可交

王可交華亭人業耕釣一日擢舟入松江中流忽見一

画舫載道士七人皆玉冠霞帔一道士呼可交上船與以二粟命黃衣人送之登岸且令合眼須臾開眼已失黃衣但見峯巒中松柏參天問之乃天台山瀑布寺前也僧迎問之可交曰今早離家蓋三月三日僧言今乃九月九日已半年餘矣後遂不食挈妻子住四明山中不復出後人時有見之者云其顏更少也

羊情

羊情縉雲人以明經授夾江尉無意世榮罷歸栝蒼山一日與青蓮館道士飲於阮郎亭酒中忽仆地七日乃

寤詰之云初見青幘絳服一人自稱靈英邀入洞中殆非人世須臾石間有物迸出靈英指曰此青靈芝也食之得仙情取食之甚甘自是惟飲水覺身輕骨鳴日行數百里時兄忻任樂安令每往省之率朝去暮還後入委羽山人莫之見

葉法善

葉法善字道元松陽人世居卯山母劉氏夢吞流星而孕及產神光滿室異香彩雲繚繞不散七歲涉江三年不返人問其故曰二青童引我飲雲漿耳及長道成結廬卯山之頂忽一老叟詣門曰某東海龍也上帝命主八海之寶有幻僧於海畔晝夜禁咒積三十年海將涸統天鎮海之寶必爲所取乞抹之法善乃勅丹符飛往有頃海水復舊幻僧愧歎赴海死明日老叟輦竒寶來報法善辭之因曰此山缺水但得一泉足矣是夕風雨及明庵側有泉迸出每旦夕有二黑魚浮水面人不能舉蓋其泉與海通故也唐玄宗欽其名召對便殿極言冊不易成請罷方士嘗於中秋夜引玄宗游月宮得聞霓裳羽衣之曲玄宗回以玉笛按之人間遂有天樂授

法善金紫光祿大夫歙州刺史寵賚無比以開元八年
 庚申日化去贈越州都督初法善之得君時李邕為處
 州刺史以詞翰名世法善求邕為其祖有道先生國重
 作碑邕從之文成請并書勿許一夕夢法善請曰向辱
 雄文光賁泉壤敢再求書邕喜而捉筆書未竟鐘鳴夢
 覺至丁字下數點而止法善刻畢持墨本往謝邕驚曰
 始以為夢乃真邪世遂稱之為追魂碑以為靈異宋歐
 陽文忠公云有道先生葉公碑李邕誤并書余集古所
 錄李邕書頗多最後得此碑於蔡君謨為余言邕之所
 書此為最佳

謝自然

謝自然華陽人幼而入道其師以仙經示之一覽如舊
 記慕南嶽魏夫人之道一日徑浮海尋蓬萊過道士謂
 曰蓬萊隔弱水三十萬里非凡胎俗骨可到天台山司
 馬子微身居赤城名在丹臺此良師也遂回詣子微受
 法後白日仙去

葉藏質

葉藏質法善之孫也精符術隱玉霄峯號石門山居懿

宗屢召不起一日忽語弟子以行日及期題其門曰雞鳴時去弟子忽聞珠珮雜簫管聲於雲中急起視之見藏質已凌虛而去幡幢隱隱若有前導者久之乃滅

左元澤

左元澤永嘉人得道於徐靈府居玉霄峯三年絕粒不語常作真一頌云大道杳冥不可致詰含太虛爲廣舍總萬宇爲真一以道守真真亦非一信之以自然任之以萬物胎根旣斷三界迥出九祖得度三官息筆實賴無功之功其功妙而難匹後亦仙去

劉處靜

劉處靜字道遊沛國彭城人其先避地家於遂昌與丞相李泌爲友遇異人授以吐納之術肅宗召見賜緋衣退居仙都山隱真岩結廬金龍洞側咸通十四年六月辛酉解化自謨玄虛志後數十年有鄉人於襄漢間見之歸語弟子啓棺視之所存惟劍履而已

許碯

許碯縉雲人居仙都山辟穀養氣十餘年名山遍歷好飲酒醉輒吟詩嘗吟曰閨苑花前是醉鄉攀翻玉母九

玄女
卷之一
三十六
霞觴羣仙拍手嫌輕薄。謫向人間作酒狂。或詰之曰。我
天仙也。方在崑崙就宴。失儀見謫。每當春景。插花滿頭。
把花作舞。醉歌長往。莫知所終。

閻丘方遠

閻丘方遠字大方。舒州人。幼學出世術。受錄於道士葉
藏質。每日葛稚川陶貞白吾之師友也。詮太平經爲三
十篇。昭宗屢詔不起。天復六年沐浴端坐而逝。舉棺但
有空衣。後人於仙都及廬山見之。

應夷節

應夷節字適中。汝南人。母夢流星入牖而生。後遊天台。
與葉藏質劉處靜爲林木友。會昌中於桐栢觀建壇以
居。凡五十年。一日語其徒曰。玉京金闕。泉曲。鄴都。惟心
所造。爾汝等勉之。年八十五卒。及窆。惟空棺而已。羅隱
爲之贊。

鄴去奢

鄴去奢。龍丘人。少入道。精思忘疲。年三十。居松陽之卯
山。漢張天師葉靜能修道處。結庵絕頂。朝夕焚修。山左
有方石。濶二丈餘。平若砥。去奢坐其上。拱默靜想。一旦

感神人謂之曰。張天師有斬邪劍二口。并瓶貯丹。在此石下。可以取之。去奢謝曰。此石天設。非人力。可加自性。荒謬守真而已。丹之與劍。未敢輒取。神人曰。但勤修無怠。劍丹當自致也。後三年。神人以劍丹付去奢。劍乃雌雄二口。丹貯石瓶中。約有斗餘。如麻子。紅色光明。去奢自服。及施病者。皆愈。時中和年。荒枯人。華造據岩。險爲盜。聞去奢。丹劍囚之空屋中。一月。及開屋。神色儼然。愈於來時。造驚異。送去奢。還山。而留其丹劍。一夜。風雷飛。失所在。去奢復得之。自是辟穀不食。居十五年。常有龍。

虎異鳥行於庭。若朝禮之狀。或夜間笑談。道士竊窺之。乃聞異香滿山。環珮飛空。去奢與黃冠絳服螺髻垂髮。綃衣男女四人對坐。侍從皆玉童玉女。又十五年。忽告道士曰。恐當離此山。去不長相見也。他日忽有彩雲鸞。霍輿駢幢。幡迎之上。昇而去。後野火焚其室。靈跡尚存。

杜光庭

杜光庭字聖賓。縉雲人。自號東瀛子。博物洽聞。爲時巨儒。咸通中。進取不利。遂入天台學道。應制爲道門領袖。僖宗時。從幸興元。後隱於青城山。蜀王建封爲廣成先。

生年八十五尸解去

宋玄白

宋玄白有道術年可數百歲身長七尺眉目如画言談簡邃盛夏衣綿單衣冬則卧雪中指燈即滅指人若隙風吹指草木颯動居潤州希玄觀後遊括蒼仙都辟穀養氣嗜酒食肉五觔蒜齏一盆和白梅食之更為異香畢身無病到處必置美姬三四人行則捨之善禱雨至信州逢旱祈禱作術飛釘城隍目刺史常德璘怪其貯婦女侮神明遣卒收之手足不能動玄白笑曰使君不

悟劉根欲見誅罰祖彌耶須臾致雨以禮遣之後於撫州南城縣白日上昇

田虛應

田虛應字良逸齊人得大洞法每水旱請禱但弊衣岸幘而坐應不旋踵元和中入天台修煉屢詔不起笑曰吾曳尾塗中久矣奈何復以欲火鑽吾骨乎久之丹成仙去

上虞三女仙

三女仙孔氏莊氏葉氏俱上虞人共學道武夷棲天柱

峯下一日遇太姥元君授以丹訣令往東南尋雲虛洞
 鍊之三女至君峯果得洞名雲虛遂止作丹宋治平間
 有江叟者採藥入山得一小徑不覺深入忽有洞題曰
 雲虛之洞三仙女在焉仙童引入飯以胡麻江叟辭歸
 至家已三載矣

鄭仙姑

鄭仙姑松陽人姊妹二人及笄不嫁同心學道求謝自
 然師之每夜靜焚香求度一女奴執爨竈下忽長聲歌
 曰坎離坤兌分子午心取自家宗祖地雷震動當頭
 雨要洗濯黃芽出土掘得金精牢閉固煉丹庭要生龍
 虎他人問汝甚人傳但說先生姓呂姊妹聞而習之又
 得葉法善八使雲躡之法白日可以騰空凌雲化雀丹
 成竟化雀飛去

馬大仙

馬大仙景寧鷓鴣村女子也既嫁家貧養姑尤謹遇異
 人授以仙術潛修密證人莫之知往來傭織去家百餘
 里飯或有羹輒不食卽以笠浮水還家薦於姑羹尚未
 冷頃之復回還故織處人始知其不凡相率呼為馬大

仙... 其... 其... 其...

且... 亦... 不... 會... 以... 至... 乎... 水... 氣... 未... 無... 公... 古... 道... 何... 未...

吳大成號

吳大成號

吳大成號

吳大成號

吳大成號

吳大成號

兩浙名賢外錄卷二目次

玄玄

五代

張契真

厲歸真

譚峭

暨濟物

崔衣道人

馬氏二女

宋

管歸真

蔡華甫

張用成

王迥

謝寶

張無夢

沈敬

柯可崇

季隱子

梵公

唐子霞

范叔寶

林靈素

葉道士

爰基

黃十公

王思廉

夏元鼎

聖道者

宋耕

周德方

孫薪

杜昇

王嗣昌

蔡道像

白玉瞻

李菱

盧葆真

徐泰定

皇甫坦

葉文詩

陳明

章思廉

李鼻涕

朱希常

車四

鬢髻道人

清音子

呂處仁

葉道士

沈若濟

葉梅卿

張復陽人

賣柑老人

武元照

妙靖鍊師

唐廣真

蛇姑

陳氏

元

金正韶

陳嘉

劉大彬

張梯

徐弘道

丁野雀

周願真

塊丸子

王應瑾

劉雲心

周元和

羅少微

杜道堅

王壽衍

吳全節

阮日益

貝守一

明

彭素雲

張三丰

張守常

趙緣督先生

周思得

唐扶

丘駝

施舉

徐道彰

金九先生

郁存方

陸瓚

俞大彰

閻蓬頭

胡蘆道人

潘自然

祝小仙

許源

兩浙名賢外錄卷二目次終

兩浙名賢外錄卷之二

東海徐象梅仲和氏譔

靈山方覺遠然開

五代 共六人

張契真青黑子相嫂北

張契真錢唐人生有異相青骨方瞳形如瘦宦幼負篋從胡法師遊遇朱天師一見喜曰此子骨法應得度世遂授以要訣又受樊先生靈寶錄遂居真聖宮中歷覽

蕊笈秘文吳越忠懿王俾主三籙齋事納土後宋太宗
 選居太乙宮召對賜紫命校道書賜號元靜太師一日
 見朱衣吏持符使速淨穢趨職久之沐浴返真體柔汗
 泚火後得青黑色珠數升

厲歸真人

厲歸真天台人嗜酒冬夏常單衣醉輒卧雪中飛雪四
 積或高數尺而卧處氣蒸蒸然醒則振衣而起或即叩
 冰浴氣蒸蒸起亦如卧雪時夏則赤脚走烈日中或亭
 午輒瞪目對日抱膝坐四體微温而無汗見者始知其
 不凡又善水墨画人有求之者當其醉即漬墨率率數
 筆而已他日展視之則山巒層叠林木蒼翠沼沚滌洞
 坡陀逶迤樓閣人物種種精妙有數日不能竟幅者人
 爭寶之以為仙筆漢乾祐三年於中條山白日飛昇語
 人曰吾天台唐興縣人也隱隱入雲而沒後有人於大
 雪中見其赤脚度石梁擬呼之忽不見

譚峭

譚峭字景升海鹽人國子司業洙之子幼聰敏文筆清
 麗洙教以進士業峭乃獨好黃老道家言靡不精究一

旦告父出遊尋真訪道凡二十餘年始從嵩山道士得辟穀養氣之術由是日飲酒醉輒扶杖獨遊夏則服烏裘冬則衣絲布衫或卧風雪中人謂已斃視之氣休休然人遂謂之風狂每醉行吟曰線作長江扇作天鞞鞋拋在海東邊蓬萊信道無多路只在譚生拄杖前後居南嶽煉丹丹成服之入水不濡入火不灼隱形變化人莫能測復入青城山化去峭嘗作化書宋齊丘竊其名爲已作久行於世今復稱譚真人化書云

暨濟物

暨濟物字子虛武林人味玄於大滌山中於精思院建垂象樓三間積道書數千卷葢笈琅函靡不窮討每講貫玄宗聞者歎未曾有錢氏欲爲賜度弟子答曰樂靜久矣不願有之一日忽語人曰吾將復往羅浮石樓矣遂不知所之

鶴衣道人

鶴衣道人不知其名氏嘗醉卧於龍泉西鳳凰山下爲里婦所辱道人卽喫紙爲鶴乘之西去

馬氏二女

馬氏二女慶元人姊妹及笄父母將嫁之不肯問其故日紅顏易老吾欲以金丹駐之耳遂結廬於百丈山頭每夜姊妹輒登山石上焚香拜求度世忽感真人密授口訣姊妹按法修煉丹成俱白日乘鸞飛去至今山巔有剪刀鏡臺遺跡

宋

共四十九人

管歸真

管歸真錢塘人少好道術嘗遇一青衣人欲傳點化之術歸真問曰何時復還本質曰五百年歸真曰得無誤五百年後人青衣敬其言跪授紫府符法祥符間行符救病立愈禱雨虎龍飛躍賜號正白真人後承繡衣使者之召而化趙抃記其事

蔡華甫

不見

蔡華甫名必榮新昌人幼警敏略涉書史爲縣從事嘗遇異人授以道術遂能驅使鬼神一日華甫偶出遊有道人來其家索酒持麻布囊盛去華甫歸而知其事卽剪白紙二條噴以符水化二白蛇凌雲去投其醮壇吸所懸佛像并樂器道人哀懇乃叱還之女適張文燁文

燁嘗過華甫見園中有二虎倉皇驚走華甫曰無懼我當呼來卽馴伏於地如畜犬然暮年作冊將成使弟子護之夜登橐駝山坐石棋枰上望烟色卓起卽歸取冊服之謂諸子曰我將遠遊矣遂尸解時有從子在天台清溪見其乘青騾後二童子問之曰道友邀我游桐栢宮耳言訖不見

張用成

張用成字平叔天台人少好學晚傳混元之道而未備編遊湖海孜孜訪問後入蜀遇劉海蟾授金液還丹火候之訣因自號紫陽嘗以所得作悟真篇八十一首時有一僧修戒定慧自以爲得最上乘禪旨能入定出神數百里間頃刻卽到一日與紫陽相約同往揚州觀瓊花遂同處一室相對瞑目而坐皆出神遊紫陽至時僧已先至及歸各折一花爲記少頃欠伸而覺問僧瓊花袖手兩空紫陽微笑從袖中拈出弟子問紫陽曰僧與吾師同一神遊何以有折花之異紫陽曰我金丹大道性命兼修是故聚則成形散則成氣所至之地真神見形謂之陽神彼之所修欲速見功不復修命直修性宗

故所至之地人見無復形影謂之陰神元豐五年夏跌坐而化住世九十九歲一好禪弟子誤用火化得舍利千百大者如芡實色皆紺碧羣弟子至相指謂曰此道書所謂舍利耀金姿者也後七年劉奉真遇紫陽於王屋山留詩一首而去紫陽嘗自稱已與黃冕仲維揚于先生三人皆紫薇星號九皇真人因誤校勘劫運之籍遂謫人間今垣中光耀可見者六星而已

王迥

王迥字子高錢塘人丰神秀朗飄飄然有出塵之想厭薄功名結想泉石每歎曰葛稚川陶隱居吾之師也遂弃家徧遊名山川嘗遇仙人周瑤英携遊芙蓉城歸而絕粒蘓東坡作歌以紀其事云後羽化去

謝寶

謝寶象山之烏村人父宗立無子禱於真武母夢雷震而乳次年生寶有金光燭室之祥年數歲即有靈異嘗夢真武為之浣腸溪上水至今有赤色天旱與羣兒束芻龍祈雨雨即至舉芻龍放溪上即行數里觸石而沒遂成深潭每陰雨芻龍必見寶忽去與人業田所芸處

常有雲氣覆其上嘗於田中得一小魚變成小龍寶卽跨之遊水中逮出而衣不濡邑嘗大旱令使祈雨密囑母擊簣箕旋紡車洒水母如其言而忘洒水則有雷而無雨後歸問其母乃如囑爲之雨遂沾足元祐間事聞於朝旌以金帛皆不受惟求東攝潭居焉至建炎三年三月遍召隣里故舊曰吾明日辭世還造化三年後當復生幸勿葬明日午果瞑目而逝越三年忽聞棺內有聲啓視之容貌如生忽火從頂出自焚其尸人見五色烟中寶乘之冉冉騰空而去

張無夢

張無夢字靈隱永嘉人號洪濛子幼入華山與种放劉海蟾爲方外交師陳搏得微旨後廬於瓊行赤松導引法間以修煉事形之歌詠題曰還元篇真宗召問長生久視之術不對令講周易卽說謙卦真宗問曰何以獨說謙卦無夢對曰方大有之時宜守之以謙真宗喜除著作郎不受復召講還元篇答曰國猶身也心無爲則氣和氣和則萬寶結有爲則氣亂氣亂則英華散此還元大旨也賜處士先生號亦不受真宗親御宸翰作長

歌送行自丞相以下咸賦詩贈別既歸即閉影深山潛
精大道久之有悟泊然而化

沈敬 不受

沈敬錢塘人少慕玄修雲遊湖海遇老姥於鍾山令汲
山泉煮石石柔餌之得仙煮十載不柔姥曰內蓄疑耳

此瓊樹中毒風故堅信吾言當自柔已而果然餌之竟
仙去

柯可崇 靈

柯可崇永嘉人為列真觀道士隱青嶂山架庵鑿石為

觀乃陶貞白舊隱也其丹井石棋枰具存可崇更造絕
頂築凌霄庵以居導引辟穀猛虎馴伏其傍人咸敬仰

之後得道尸解

季隱子

季隱子名道華真定人晚遊義烏青巾褐裘與陳炳交

而以奕棋自晦嘗曰自有宇宙以來其以奕關心而較
勝負者不知其幾今安在哉隱居不食能飲酒嗜紙得

紙即撚為枚以齒鍊之無紙與酒則默坐竟日或即危

垣之巔踞坐下視大笑嘗卧積雪中無寒色一旦語其

徒曰吾飲止今日耳死卽埋我及期跌逝衆埋之明年金華呂道士元素過小茅山遇之語呂曰爲我謝宛陵陳主簿蓋炳也

梵公

梵公慶元人遺其名氏初執役縣中爲伍伯時縣令刑峻梵用芻貯血匿杖中行杖見血刑者徃徃得從減一日令見梵不履地三尺詢其故大異之無何遂飄然去至白雀山廬其上一意修煉功成冠石曰千斤登山岡山羽化去人稱爲梵公聖者

唐子霞

唐子霞餘杭人潛心味道於洞霄宮嘗著大滌洞天真境錄自號渾淪子宣和元年詔主杭州洞霄宮明年盜起睦歙破臨安官吏散走其徒亦治舟請行子霞曰吾被天子命主此宮守死職也公等第去已而賊至子霞正色叱之遂遇害門人程用光叩闈言狀憫其忠賻錢三十萬勅令改葬發土止一空棺而已仙家所謂兵解者也

范叔寶

范叔寶字子珉遂昌人少為道士落魄嗜酒談人意外事多奇中酒醉多喜画牛一日忽往詣郡守錢竽曰負公画四幅故來相償画成儼然就逝將斂得片紙於席間書曰庚申日天帝召范子珉蓋其卒日也

林靈素

林靈素字通叟永嘉人初名靈噩字歲昌母懷妊二十四月忽夜夢神人緋袍玉帶手執火筆指母腹曰暫借此居次日乃生五歲不能言一日有道士踵門請見附耳語移頃忽失笑而語自是日記萬言吐辭成章嘗獨登積穀山得異書於飛霞洞縱遊東京嘗同蘓東坡遊瑞佛寺覽寺記數萬言默識無遺東坡大稱之入蜀遇真人趙昇得神霄大法政和三年至京寓東太乙宮徽宗夢跨白龍遊神霄宮會靈噩騎青牛而入覺而異之命徐知常訪神霄事知常無以應或以靈噩進上召問卿有何術對曰臣知天知人上見狀貌如夢中所見遂賜名靈素號金門羽客冲虛通真達靈玄妙先生每侍宴太清樓下見元祐奸黨碑靈素對之稽首上恠問之對曰碑上姓名皆天上星宿臣敢不稽首因為詩曰蘓

黃不作文章。客童蔡翻爲社稷臣。三十年來無定論。不知奸黨是何人。上以詩示蔡。京京惶愧乞出。是年五月大水臨城。靈素奏請太子登城致拜。是夕水退。因上疏言國難將及。請遷都避之。蔡京見疏大怒。嗾全臺劾靈素妖議。遷都愚惑聖聽。譖改釋教。謗毀大臣。靈素卽封還前後所賜出國門外。上再宣復真人號。不拜。遂與祠温州天慶觀。惟皇城使張如晦弃官從之。歸一日戒如晦曰。可於扈輿靈官山斲地五尺。見石龜蛇則葬我葬畢。宜急去。夜三鼓。援筆題曰。四十五年勞生。浮名薄利。崢嶸要識神仙舊路。中秋月下三更時。風清月白。但聞雷震稽首而化。訃聞降勅。賜祭。詔守臣治葬。斲地果如其言。卽下棺而走。俄雲霧四合。雷電晝晦。惟亂石縱橫。失向所在矣。靖康元年。欽宗嘆舊事。遣使伐其冢。忽黑風雷雨。百恠出草莽間。人不敢動。使者仰天祈謝。天始霽。欽宗聞之。敬異。復遣使降香。加封通真冲虛妙濟真人。有青牛歌見遺文。今無傳。

葉道士

葉道士失其名。淳安人。素有道術。能分形。應供。一日。雖

十家同時皆到、人始知其奇。一旦無病端坐而逝、其徒卽爲棺斂。一鄉人遇之途、初不知其已死也。道士語曰：今夕當雨歸、幸語吾徒可收我西垣上所晒履。及歸語相對駭愕、走視西垣、履儼然在上。急啓棺視之、惟冠履空衣如蟬蛻然、始知其尸解也。

爰基

爰基崇德人、厭吐人世、潛耽道味、弃家雲遊。忽遇一道士、視基微笑曰：此皮囊可脫也。何苦負之而走？基知其異、再三相懇、遂授以導引之術。且囑曰：勤而行之、可以度世。基遂歸入千鄉金山原、修煉幾三十年、道成、跌坐而化。面頰體柔如生、其徒收瘞之、惟有布氅而已。

黃十公

黃十公慶元之下管人、嘗樵於仙桃山、見二叟對奕、得餘桃啖之、觀奕未竟、歸已三載。遂居百花岩、二十年後、坐化石上。

王思庶

王思庶字正夫、麗水人。天慶觀道士、受上清法錄。政和二年、賜紫衣、得養氣之術於西蜀李曼老。紫氣溢於眉。

間喜誦南華經得其旨趣士大夫樂就之評說竟日
外之履常滿題所居室曰渾淪庵年九十餘跌坐而化

夏元鼎

夏元鼎字宗禹永嘉人自幼嗜學六經諸子三教九流
天文地志風角鳥占無不研解屢躋名場遂遘危疾有
教以吐納導引法乃差遂知藥在吾身不假外求乃徧
遊方外祈遇明師得關西宏先生授以道要遂歷湖湘
至南嶽祝融峯又遇赤城周真人於逆旅性香飯禮因
歷敘平生修真之要求其印證真人曰汝若是精切耶
世間所論皆常談耳我昔蒙西蜀鐵風洞聖師傳授今
盡付汝遂舉酒一斗鯨飲而盡因告以心傳之妙元鼎
大悟驚喜感泣真人曰汝已知藥物矣若火候幽微待
月出語汝及三鼓月上迺指天機造化玄妙之秘至夜
將旦元鼎就寢覺而失師所在門扃如故遂歸隱西山
未幾再遊幔亭諸峯一日歸家無疾端坐而逝是日鄉
人在閩中見之寄書歸家人以爲尸解號西城真人所
著有崔公藥鏡解陰符經註悟真篇講義味玄者多誦
法之

聖道者

聖道者不知何許人紹興初居蕭山淨土寺日乞食於市口每吐一珠如彈丸大光奪琥珀出玩掌中人欲撲取則復吞之一日至山下指田中一穴語田父曰此有酒可飲田父飲之甚甘冽囑覆之無竊發田父思飲往取之皆水耳忽一日乞薪市邸謂市媪曰我將去矣叩所之不答乃於常卧處火薪自焚人卽其地葬之後有見之於蜀者歸發其棺則尸解矣

宋畊

宋畊號雪溪先生世家雙流遷於崇慶紹興中爲閩中令以仙去後其孫德之聞在四明往訪焉至雪竇山有蜀僧言聞諸耆老云山後爛平山有二居士其一宋宣教也德之躋攀至爛平果見丹竈而仙跡不可復尋矣樓宣獻鑰爲賦楚詞以招之國學博士楊琛爲之記

周德方

周德方號廣莫子計壽山真人杜處逸弟子也性好學所居室扁曰不自恕齋坐卧一榻積書數千卷繙閱偶有得則疏以別紙歲久成巨帙義理淹貫心識融會時

出以折疑問有儒者所未發性不飲酒日升堂一飯不出山餘二十年一日手書離形去智歸乎大通八字擲筆側身而逝異香滿室經宿不散

孫薪

孫薪字至豐麗水人元祐中以明經擢第授荆門軍教授不赴質性清介與黃葆光爲太學舊游宣和間黃以侍御史出守枯蒼薪不屑往見黃約會於洞溪僧舍贈以詩云勸農因到好溪頭把酒相看憶舊游三十年來如一夢可憐空負釣魚舟後年八十卒先是李若朴夢薪赴赤松館管轄里人亦夢幡幟來迎孫教授去翌日具衣冠端坐而逝

杜昇

杜昇不知何許人消才學得隱形解化之術入武林市上沙書龍字浮轉杯中叱起丈餘蜿蜒若小龍隱隱雲霧間呼之復下得錢及新衣輒與貧者嘗言蘓牧杜孺休行死兵難當慈愛及人庶可免也後竟如言昇亦被殺有人遇之江浙湖南演書如故人始悟其兵解云

王嗣昌

外

卷之二

七

光碧堂

王嗣昌字玄悟自北海來望吳山五色雲跌坐頂上竟日衆異其貌遂編茅爲廬供茅君其中居之遂不下山常畫地爲獄囚妖燔馘之治病病愈不用醫也居三十年無疾朗吟而化

蔡道像

蔡道像不知其所從來博學通微遇異人得養生訣高宗南渡阻風祠茅君而濟見三絳人坐吳山頂上因拓庵爲觀使道像主焉祈禱輒應每建金錄齋輒有仙雀百餘盤旋醮壇之上因賜七寶以鎮其山年八十一坐解所遣左右侍中貴劉鹿泉敖者感而弃俗封真人

白玉蟾

白玉蟾號海瓊子師陳翠虛佩琅書以神童爲神霄吏名滿天下煉丹於錢塘之三一庵鬢頭跣足喜飲酒而不見其醉嘗遊西湖暮忽墮水舟人驚尋不見達旦則玉蟾坐水上猶醺然醉也一日有持刀脅之者玉蟾叱之其人墮刀而走玉蟾召之曰汝來勿驚以刀還之時稱玉蟾入水不濡逢兵不害後縱遊名山莫知所之或云尸解於海豐

李菱

李菱字定國，濟南人。寓錢塘，爲童子師。一日往西湖淨慈寺，過長橋，忽於竹徑迷路。見一道人林下斲筍，菱揖之。道人問所往，曰：將往淨慈。道人曰：未湏去，且來同食。燒筍食之，甚美。俄風雨晦暝，失道人所在。少頃雨止，至寺門外，卽覺身輕神逸，行步如飛。及歸邸，不復飲食，乃入蜀，隱青城山。其從兄李莫爲梓州路提刑，使人至眉訪菱所在，眉守報書數年前已輕舉乘雲而去。今惟繪像存耳。

盧葆真

盧葆真名仲繙，麗水紫虛觀道士。早遊名山，遇異人得養生訣，風格高爽，心境虛靜。年八十一，於乾道三年六月三日作頌示衆，坐小軒中，揮扇而逝。四體柔汗如生，香氣與微風俱襲。經宿不散，太史何公偁以詩憶之云：不見仙人盧葆真，洞前松竹幾經春。白雲中斷來雙鶴，彷彿悲鳴是故人。

徐泰定

徐泰定字虛寂，紫虛觀道士。開禧初居松陽之觀行庵。

庵在萬山中，人跡罕到。一日忽有吹雙笛道人，至庵與秦定語相合，授以丹訣，仍贈筆一枝，令作水墨山水。秦定謝不能，道人曰：但隨意為之，遂画如素習。後十年，道人欲挾之遠遊，秦定辭乃留，詩別去。鐵笛雙吹，破曉烟相逢。又是十年前，曾將物外無窮意，總付毫端不盡傳。白髮數莖君老矣，青雲一朵我飄然。世間究竟只如此，何似同歸洞府天。秦定年八十餘，常童顏端坐而逝。吹笛道人自稱李洞明，疑即呂洞賓云。

皇甫坦

皇甫坦，亡其里，居嘗得丹訣於朱桃椎父之頂，有珠光能斲地出，泉布氣生，枯枿因入顯仁太后夢，召之醫目，噓呵翳落，及起，妃甃留扇治瘡，皆驗。而高宗又善所對，無為為治之語，賚錫甚厚。坦潛置卧榻而去，不受也。兩朝四徵，館之西湖顯應觀，俄進奏辭，衆泊然尸解。天燈仙，崔旋繞藏室。

葉文詩

葉文詩，麗水人，本儒家子，為天慶觀道士，時稱葉書記。嗜酒，善詩，画山水人物，閉戶輒累月不出，出則羣兒環

之或與之錢與之衣則悉與路人每嚴寒浴於溪寶祐
甲寅十二月旦浴於觀池擲其衣獨臂二草屨作偈云
似癡非癡似醉非醉竹杖芒鞋落魄半世噴清風明月
逍遙流水白雲自在端坐靜室而逝既葬人或遇於路
跡之竟不見時皆以爲仙云

陳明

陳明攢陵舖兵也人呼爲陳院長年三十五時犯罪受
杖遂蓬頭跣足若病狂者往來行歌無定止頗能知未
來事雪中不掛一縷卧野橋上氣騰如蒸眼色正碧好

以白堊書地且讀且歌字畫類五銖錢文觀者莫識中
貴典領攢官者憐其寒常遺以衣乃轉與貧者淳熙八
年郡中久不雨或叩以豐歉應曰水災竹災魚災貧道
災俄而山發洪水水暴至所經竹木盡拔魚鱉漂流明
大病不食數月腹皮皆凹人附骨隱隱見五臟人謂其
必死俄復如初有蜀客來見之焚香作禮曰先生正爲
鄉里募緣造橋安得來止衆始悟其爲異人神遊於蜀
云或問其庚但云三十五後微疾而終藁葬溪岸未幾
其徒發瘞將火之空無一物

章思廉

章思廉，遂昌人，名居簡，以字行。少業儒，以經學名。三舍既有悟，遂棲跡於邑之壽光宮。終日默坐蓬頭垢面，出則步履如飛，動作語言皆禍福所寓。一時以神人待之。宋高宗遣黃門董御藥，賫香致禱，大書慎乃在位授之。未幾，孝宗受內禪，蓋慎乃孝宗名也。乾道丙戌，郡守錢竿迎舍郡齋，兩月不粒食，惟日飲醇酒，忽出遊半日而歸。因問曰：洞賓何在？答曰：正在張公橋洗紙被竿，卽命駕往謁之。至則不見，若有聞曰：此思廉小兒，饒舌一日。語竿曰：吾欲歸，乃端坐而逝。昇至天慶觀，七日顏澤不改。越八日，瘞少微山，後有人見其持隻屨在東陽洞邊釣魚，發其瘞，唯隻屨存。嘗有詩曰：得太極全體見本來，面目先天一點真。後天却是屋。

李鼻涕

李鼻涕，遺其名。紹興時來居秀州，踪跡奇詭，似有道者。或從求藥，則以鼻涕和身垢爲丸，與之人，信而服之者，輒效。因以鼻涕名之。劉延仲嘗與往來，一日與坐，曰：今日偶無酒，不能醉客，奈何？李曰：何不出床頭珍珠泉？劉

大笑呼童取尊。李曰不必取尊，但將一空瓶紙覆之。少頃香氣外溢，坐中皆醉去。明日劉有他客命啟珍珠泉，則空中無有矣。久之忽詣劉別云：後二十年當於真州相見。至期劉卒於真州。

朱希常

朱希常，青田海西人，住梅溪，學老子術。政和間從洞玄妙應先生吳應能入內祈禱，上嘉之，賜號凝妙大師。未幾辭歸，築庵於連雲山，名曰南華庵。丹成尸解而去。其丹井與手植花木至今猶有存者。

車四

車四不知何處人，青巾布袍，修髯偉幹，有黃白術，好飲酒。一吸數斗，不醉。常往來西湖山水間，時蔡京爲錢塘尉，往依之。一日隨京至新村，是夜堅求同宿，令京處外以蔽之。京疑其大盜也，故藉尉以蔽然。業已同寢，坦然而無慮，鼾聲如雷。中夜風雨大作，聞空中喧呼曰：車四安在？一人曰：在此。若數十人排闥入者，至牀將擒之。忽一人曰：恐驚床外人，以致帝怒，奈何？若遲疑者，頃之歎曰：又被他躲過六十年了也。俄聞揭楮數萬番聲，車四躍

起謝京曰非公極富貴安能免此番厄究當無患及明
辭去以乾汞術授京京笑曰身苟富貴何患無財安用
此力辭不受車四舉手辭謝忽然不見後京子脩竄越
卒賴車四以免曰寄語太師吾車四也特來報新村之
德耳

髻髻道人

錢塘周反璞與趙師秀以詩名一時春日嘗偕數同社
薄游湖山極飲西冷橋酒壚皆大醉偃卧忽一髻髻道
人過而晒之曰詩仙醉耶酒家善看客我當代賞酒債
索水一小盃以瓢中少藥投之口略嗽咽之地上則皆
精銀也時遊人方盛皆環視駭歎忽失道人所在及暮
諸詩人始醒酒家語之故皆悵然自失其家持銀往市
得錢正可酬所值了無贏餘明日喧傳都下酒家圖其
事於壁題爲遇仙酒肆好事者競趨之遂爲湖山旗亭
之冠

清音子

清音子姓湯名道亨復自號赤脚道人宋季引一獮云
自金陵來處茅椒於秀州府北獮大如人能主給使亨

每夜坐時頂中出光照耀一室州人推異爭飯之豐薄不謝第言分定去由是州人益異之施與日多因構庵以居名曰太古以延竚四方雲水之士久之有市人戲烹其糝食之亨卽咨嗟若不勝卽與所知訣別手書一偈云八十一年饒舌終日化緣不歇重陽時節歸家一路清風明月遂端居而化

呂處仁

呂處仁餘姚人嘉定間隱居四明山中得異術禱雨及爲人祈禳輒驗尊爲演教真人及化去以劍投於後橫潭至今每風月清朗之夕其劍時時飛出

葉道士

葉道士不知其名自云龍舒人不食五味年九十餘平生未嘗有疾居會稽舜山天將寒必增屋瓦補墻壁下帷設簾多儲薪炭杜門終日及春乃出弟子小道人極愿慤嘗歸淮南省親至七月望日有住庵隣僧召道士飯飯已亟辭歸問其故曰小道人約今日歸耳僧笑曰相去二三千里豈能必如約哉道士曰此予平日未嘗妄語也僧乃送之歸及門小道人已弛擔矣客每訪之

拱揖甚謹，然不肯多語，或默以示意而已。人欲扣其所
得，纔到門，即引入卧内，燒香具道。其遇師本末，若先知
者，人以是異之。後不知其所終。

沈若濟

沈若濟，字子舟，錢塘人。通三氏書，尤長於醫。懸壺茅山，
施藥刀圭，入口無不霍然。道君再召，賜號洞元真人。後
服丹尸解。

葉梅卿

葉梅卿，壽昌人。明春秋通史，傳理宗朝，任撫屬舍人。後
棄官家居，習修煉導引之法，有異術，能存神謁帝。一日，
作偈示眾，恬然而化。將歛，顏色如生。後昇葬，眾疑其輕，
啓棺視之，惟衣裳在焉。

張復陽

張復陽，平湖人。自言是張果老後身，棄家為道士。妻亦
感悟為尼。復陽修煉精勤，明周易如復之旨，作復陽圖。
善詩、畫、書法，道美。年八十餘，顏澤不枯，步履輕捷。卒之
日，體柔如生。人謂尸解云。

賣柑老人

宋端平間有老人寓嘉興逆旅日出金柑易醉月餘不竭主人恠之暮窺其室用鼎盛土下柑種久之柑實纍纍垂矣主人邀飲願授其術老人曰此太上養道法給身有餘養家不足不可輕泄主人拜乞伏地不起老人曰願往深山乃可授耳主人因私念得此術一夕種數十林便可致富卽爲老人所覺明晨覓之不見門扃如故主人悵然明年或見老人於廬州市上賣枇杷

武元照

武元照蕭山女子也方孩時母或食肉卽終日不乳及菜食乃乳母異之後及笄議適人女不從忽夜夢神人命絕食及覺遂欲不食母強食之則夢神怒曰何違吾戒也剖腹滌之因授靈寶法自是不復食以符水療人疾如響應一日忽詣數十家聚話後往其家訪之云已死矣其死日正分詣之日也

妙靖鍊師

妙靖鍊師陳氏女名瓊玉年十九與姊浣於澗中得桃實大如拳啖之從此不復火食惟飲酒啖生果初不識字忽能詩辭爲人言禍福悉驗一日邀其兄遊四明海

中兄乘舟而已行水上閱數日水不濡語兄曰我知來事恐泄天機姑以風花雪月爲詠而寓意其中術聞政和七年召見賜號妙靖鍊師乞還山賜肩輿敦遣壽九十端坐而逝

唐廣真

唐廣真嚴州人既嫁而得血疾夢道人與藥服之而愈自是與夫隔絕從師修道得遇何仙姑至宋淳熙中方在隣家會食次若有人喚者出門逢三仙人引至海邊跨大蝦蟇渡海因隨三仙人遊諸名山一仙人問曰汝欲超凡入聖耶留形住世耶棄骨成仙耶對曰老母在願終奉養曰如是且留形住世遂與丹一粒吞之自是不火食後召入德壽宮封寂靜凝佛真人母卒不知所之

蛇姑

蛇姑不知何許人居臨海後嶺之巔樵者見之以告居人忻生生往訪焉見庵畔有一蛇護守遇不善人至則逐之故號蛇姑邑人張得一往謁授之訣曰心湛湛而無動氣綿綿而徘徊精涓涓而運轉神混混而往來得

一矍然解悟遂遊方不歸父之姑亦化云

陳氏

陳氏義烏農家女嘗着屐上大楓杪了無危懼顧曰我
為仙今日便長去惟左蒼右黃當暫歸耳家人悉出辭
訣於是飄然輕舉極睇乃沒

元 共十七人

金正韶

金正韶字九成餘杭人早歲師舒桂林於石室洞讀書
十餘年度宗召為龍翔宮書記至元間詔入武林授主
洞晨觀講究性理之學將解化留偈別同袍而去

陳嘉

陳嘉字志謨諸暨人文辭超邁然佯狂不羈每應舉主
司輒喜其文第中必雜狂語輒以怒去於是弃去一意
玄修自號龍壇居士後與沃州山道人尸解去

劉大彬

劉大彬錢塘人隱居茅山延祐間得九老仙都君玉印
仁宗即賜之加號洞觀微妙玄應真人作茅山志三
卷張伯雨為之書尋蛻骨於華陽洞中

張悌

張悌字信甫，居鄞之象山。傲兀烟霞，自號曰無爲子。象山在大瀛海間，多陶隱君司馬子微之遺跡，無爲子早從方士習聞長生久視之說，旣壯，出遊南粵北燕，回薄萬里，愛武當神明之奧，鍊形服氣，莫此爲宜，遂歸與妻子訣，妻子不從，乃中夜引刀截髮，留之枕畔，解故衣披布衲，偃屐，着行滕，佩鉢囊，侵曉掉臂出門徑去。上武當，止紫霄宮，師事張真人，執弟子役，真人啓之道要，署爲首衆，無爲子晝則服勞薪水，與衆同甘苦，滋味取其至薄者，夜則危坐一榻，脇不至席者三年，忽晨起，別衆曰：我將歸去，衆方恠之，卽泊然而化。

徐弘道

徐弘道，錢塘人，號洞陽子，修真瑞石山。年八十三沐浴更衣，書頌而蛻，有不離本性卽神仙之語，得法弟子丁野雀也。弘道常感張平叔住山傳訣，故庵名紫陽云。

丁野雀

丁野雀，錢塘人，師事徐洞陽，潛修密証，不露風采。鄉人視之以爲一鄙樸道人而已。元宵夜，偶與鄉人集，共言

蕪州燈盛野雀笑曰諸公有意往觀乎皆令閉目少頃
目開燈見正在吳閶門外也衆顧野雀忽不見時已歷
叩衆家語其故矣久之衆歸急往謝之野雀笑曰更能
致羣雀爲諸公娛衆舉目忽仙雀盤繞衆爭起插雀有
得者皆紙化也雀鳴人喧忽失野雀急排室覓之已作
捻雀坐而化衆遂漆其身祀焉先是野雀召其妻王守
素付之偈云嬾散六十三妙用無人識順逆兩俱忘虛
空鎮長寂妻感其言亦爲女冠二十年不下山亦仙去

周願真

周願真字養玄永嘉人幼穎異能畫周易方員二圖年
未弱冠遇西蜀異人授以隱書及壬遁反閉之術因自
號山雷子復從開元觀道士蔡術嗣靈寶法凡玄學運
用悉以易變通之神化無方人莫能測元統甲戌歲旱
郡請禱雨願真默運神機電出袖中雷雨隨至未幾有
訐其左道惑衆者捕之急願真挺身立州橋石欄側終
日捕者旁午莫得見有司知其神始獲免一日忽命筆
書偈云我從空來我卽空我向空歸空自在八十五年
幻化空非幻不化空不改噴豁達大空空不空一輪紅

日古今同擲筆而寂世稱蘭室先生所著有洞浮老人集行於世

块北子

块北子姓蔣氏嘉興人年二十五涉獵經史言辭簡邃
擊首垢面動靜不羈元至正初抵松江坐太古園室已
則歷市塵狂走人盡呼為風子一夕叩沈蒲團門大叫
日將蒲團來坐我沈異之楮一蒲團導詣蔬圃莽草中
坐地沈徐徐暱啓之有所省發遂委俗傾身服役為弟
子由是庶方崇向爭施與因以其地為庵融然一室足
不踰闔者三年嘗有問者日近思錄定然後始有光明

是金丹否块北子曰賢且去味中庸又嘗手書示沈曰
萬紫千紅總是春何須饒舌問東君唾人得夢向誰說
豎起空拳指白雲又云不偏不倚立於中不着西邊不
着東超出東西南北外一毫頭上釣蒼龍一日語沈曰
吾乘化盡矣若等勉之言絕而蛻

王應瑾

王應瑾錢塘人出家佑聖觀事父母極孝張伯雨楊維
禎俞子中高其行與為方外交受籙張天師領諸神帥

抹邑旱呼雨若涕睡平居種藥洗竹聽笙調雀而已天師號之曰高士真人

劉雲心

劉雲心名德邵麗水人學道於妙成觀善鼓琴賦詩精意玄修郡有疾病水旱必禱之謝遺俱惠貧屢平居無長物眉間有七黑子若北斗狀一日忽語弟子曰吾將於某日逝矣至期沐浴坐於正室索筆書偈然而逝

周元利

周元利字謙甫仁和人初生有雷殷殷發地下隣里驚異及生而目有神光年十八出家大滌山師冲妙先生性純謹作詩無塵俗氣咸淳間遷居太乙宮與褚雪巘郭似山為方外友尋避地山谷間端坐而逝

羅少微

羅少微不知其所從來寓居紫陽宮一夕大雪與丁秀才葦擁爐夜坐秀才忽歎曰如此好雪安得肥羊美醞以消之少微笑曰是特易易耳即踏雪出門不數步手携熟羊一肩銀盒貯酒而至曰此帥庖物也相與歡飲極醉少微忽擲劍騰空而去眾始知其為仙云

杜道堅

杜道堅號南谷子風度清雅見元世祖陳養身安民之道眷賚殊厚主昇元觀與鄧元祐校讐羣書築老君臺於宗陽宮集儒彥賦詩一時推為社長晚蛻去舉衣履葬計籌山下

王壽衍

王壽衍字眉叟有學行至治初徵授弘文輔導粹德真人領開元宮虞楊范揭四君子皆與善嘗為名士劉時中治喪撫其孤葬近壽穴便拜掃其篤友誼如此尤羽流之不多見者後無疾端坐而化

吳全節

吳全節不知何許人嘗奉詔訪異人建紫瓊觀久居錢塘以禱祠被眷薦吳澄進象山錄脫其奴籍每日欲知顏子如愚處正在羲皇未畫前蓋悟道於易者未幾仙去

阮日益

阮日益於潛人受度於天目玄雷山真慶觀窅形古貌攻苦食淡徧游湖海晚遇異人授修煉服餌之訣性命

雙修超然玄悟兀坐於天目石岩中四十年寒暑不出
至元間年八十餘無疾端坐而逝

貝守一

貝守一餘杭人博通經史靈一先生剡洞晨觀命開山
久之遷九鎖外山庵好吟咏蔬食飲水一布衲二十年
不改操年八十二作偈示衆泊然而化

明共一十八人

彭素雲

彭素雲汝陽人年十二禮劉月淵爲師稍長遊武當時

張真人集雲水三千餘人於紫霄宮素雲求執厨汲水
苦行三年得真人授棲神鍊氣之旨走蜀上青城入閩
登武夷凡古仙過化處歷覽殆徧東浮浙水陟天目過
華亭釋勝棲止洪武初始至細林結茆居之閉影不出
幾二十年一日旦起沐浴更衣跌坐問弟子曰何時日
正中遂倏然而化七日顏色如生太祖皇帝適命中
官來召以羽化對越月復命中官啓其窆視之正身不
歆入太祖歎異復命有司加篋以重甃其墓

張三丰

張三丰遼東懿州人名君寶字玄玄生有異質龜形雀骨大耳環眼鬚髯戟張頂作一髻手持刀尺一衣去袖寒暑御之不飾邊幅人呼爲張邈邈日行千里靜則瞑目旬日所啖斗升輒盡或辟穀數月自若也元末居寶雞金臺留頌而化臨葬聞棺中有聲發視之復生乃入蜀洪武初至太和山修煉結庵於玉虛宮庵前古木五株三丰棲其下後入武當時時語人云茲山以真人應世異日當大顯於天下人亦不之信一旦拂衣去未幾成祖果命胡濙物色之不見遂勅武當建宮以俟三丰知之遂隱見其踪跡縱遊湖海間嘗爲正一天師郵書張守常守常恠其墨潤闢後山尋其跡至寶極觀遇之居歲餘知胡濙將至竟遁去後不知其所終

張守常

張守常錢塘人爲三茅觀道士一意玄修以勤苦聞人多重之爭爲施予守常得所施未嘗私一文卽爲修葺觀宇感張三丰降其室日與談玄便爾通靈一日誦黃庭經聞異香滿室而化舉棺若空蓋尸解云

趙緣督先生

趙緣督先生名友欽鄱陽人少有志於事功凡遁甲韜
 鈴天文曆筭之學靡不精究一日遊芝山酒肆中遇一
 丈人方瞳綠髮與飲酒且曰爾來何遲也既而盡出懷
 中丹書授之臨別曰吾扶風石得之也蓋世傳杏林真
 人者先生遂無意世事隱處海濱者二十年註周易數
 萬言識者多以為發前人所未發先生嘗乘青騾從以
 小蒼頭往來衢婺山水間客中無所資而用未嘗乏即
 不知其何術倦游而休飄然坐逝於龍游之雞鳴山當
 是時宋景濂瀟劉伯溫基皆從之游且稱先生學貫天
 人之際而王華川禘至手校其所註周易以行於世云

周思得

周思得錢塘人受天心五雷正法太宗皇帝聞其名
 召試奇驗特建天將廟勅思得與將共居嘗扈從北征
 役王靈官鞭虎前驅虜見之大驚遁去殺獲過當尸橫
 遍野時當炎月穢氣觸人思得禱雪覆之六軍皆悅常
 歷事四朝寵眷優渥英宗尤為傾注還山尸解年九
 十有三諭祭賜號勅葬於八盤嶺下

唐扶

唐扶少司空唐胄子得大梵斗母五雷法用報父讐下
獄姜御史訪薦於朝以擲火除官妖受賞及命禱雨雪
輒應授太常博士既罷來遊武林祈雨於祐聖觀運旗
摩空雲轉如輪雨隨如注偶被疾恍見幢蓋來迎遂化
去已歸其蛻三年矣忽市囂中從褚幼文索所借書以
語得法弟子李一正正大駭異後又拯四孝蕪之溺曰
帝命主治袁州因祠祀之

丘駝

丘駝桐廬人病駝因以駝名家貧操舟濟渡不索人錢
與之則受隔岸一道士暮夜呼渡駝急起就之無所見
傾之又呼繼往又無所見拔篙將行蹉跌而仆亦無怨
言迨起則駝背已直矣時人異之越數載死舟中家人
收殮久之隣人至衢州見駝與道士同行款洽若平時
囑寄所穿鞋以歸又與之以屣令着之則行步如飛不
日至家以鞋付其妻視之故歛時物也啓冢惟折篙在
焉回顧所貽屣化爲雙鵲冲天而去

施舉

施舉縉雲人學道妙成觀深得洞玄之旨侍於法席者

甚衆教主張真人重其名寫紫霞山房圖以贈之洪武中其徒王以節爲樂舞生連坐軍士以繩攀杖擊促其行繩杖俱自解折捕者驚異赴京得釋而歸永樂元年壽八十四一日語其徒曰往來合散理之自然我將歸矣遂瞑坐而逝

徐道彰

徐道彰錢塘人生有仙姿通清微靈寶五雷諸法養神通玄觀每旱潦禮政有所輒應時爲人談說雷奧聽者神悚除妖驅邪及採三光復嬰兒之明人咸異之受施卽營妙庭幽潔絕塵後沐浴解化羣雀繞空迎之而去

金九先生

金九先生會稽人弘治間住方泉橋生平不巾幘服垢衲人呼爲金蓬頭喜作詩一日在青塘村幻出一舍有女織其中與金賡和已忽不見又嘗於武林遇道者共飲已而渡江道者擲雙履令渡金難之履忽化爲舟道者竟渡金遂返過所飲肆譁聚百餘人云道者所覆杯膠不可啓金至爭令啓之中有洞賓二字人問之曰

郁存方

郁存方錢塘人徐道彰法孫也母夢雀鳴於室而生及長風神散朗有包舉八荒之意忽遇一異人撫之曰此吾道之傑也既受諸階法祈禳盡驗歲大旱郡守請之祈雨乃封潭後將捲湖水洒城中鴛瓦魚躍嗣天師張真人命捕鼠妖召吏兵與戰立擒之年七十九無疾逝

陸瓚

陸瓚蘭谿人生有仙骨碧眼蒼髯身長九尺餘濶步紆徐頃刻數十里性格不凡耽於修真斷緣息念雖處家庭紛沓若不見聞每閉戶冥坐旬月不食人莫窺其際

有士人叩之曰聞先生得道之真果內與抑外與徐答云獨言其外不可以言道獨言其內不可以言道士人歎服三十後徧遊京師及諸遠方人稱之爲陸長仙後自外一歸絕口不問家事坐卧一小樓歷旬日復去竟不知其所終

俞大彰

俞大彰錢塘人修煉於重陽庵有道術每旱潦求之祈雨雨至祈晴日生反覆陰陽於呼吸間人以真仙稱之一日無疾而逝後有見之金陵者其顏色更少云

閻蓬頭不知何許人，居雷峯最久，冬浴冰，暑坐湯，甕中出而曝之，無穢氣。一日坐逝，毛百戶家，百日顏貌如生。初有人叩其所得者，徐答曰：窮理盡性，以至於命，齊家治國平天下而已。

葫蘆道人

張柏亭，衢之西安人，亡其名，為玄妙觀都紀，永樂間奉勅建武當山宮觀，柏亭應詔住玄天玉虛宮，時遇異人，授以葫蘆拄杖各一，常施藥，并五雷正法，拯濟祈禱，輒驗。後還衢，日跨青牛，出入自號葫蘆道人，一日語其徒眾曰：我以某日某時歸山，至期果端坐而化。

許源

許源不知所自，棄武爵避仇，自滇游蜀，遇藍斗篷得訣，居斗牛宮，俄南來，修煉表忠觀傍，以却病方致貴游，而實承王馬之派，變容貌於湏臾，若八公，年一百八歲，書頌蛻去。

潘自然

潘自然，松陽逍遙觀道士，居雲岩，善符咒，燒煉之術，號

召風雷及神將出現每夜有神燈懸掛於門當出行卽有神燈前導自然嘗他出有求符者情辭迫切勢不能待自然一執爨老人憐之遽呼神將承命往治自然歸責老人奈何輕遣神將忽泥塑滕申君詣前曰彼五世法官偶有過上帝謫下以待公廬公僅三世法非彼若母責爾也語畢卽退步行復其位老人遂不復見自然後亦仙去

祝小仙

祝小仙粵人來游西湖寓於藕花居藕花居者高相公儀之別業也儀一日訪之小仙曰汝卧此汝卧此儀未幾卒竟築其地爲墓自稱無山視貴游如土芥蓋神龜之子黃頰通靈者也後尸解三聖橋復有遇諸粵者曰爲我寄聲以謝武林諸舊好云

兩浙名賢外錄卷二終

漢書卷之二十一

卷之二十一

卷之二十一

卷之二十一

卷之二十一

卷之二十一

卷之二十一

卷之二十一

卷之二十一



漢書卷之二十一

卷之四